

Tarikh Dibaca: 26 OGOS 2016

KHUTBAH JUMAAT

Tajuk:

“MEMBERI MAKNA KEMERDEKAAN”

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2016

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. Tuan Haji Ahmad Zaki Bin Arsad (Timbalan Pengerusi)**
Timbalan Pengarah Jabatan Agama Islam Selangor
- 3. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 4. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 5. Yg. Berbahagia Prof. Madya Dr. Osman Bin Sabran (Ahli)**
- 6. Tuan Haji Sianid Bin Mokim (Ahli)**
- 7. Tuan Haji Hamid Bin Md Isa (Ahli)**
- 8. Tuan Haji Md. Sahari Bin Abdullullah (Ahli)**
- 9. Tuan Haji Abdul Halem Hapiz Bin Salihin (Ahli)**
- 10. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 11. Ustaz Indera Shahril Bin Mohd Shahid (Ahli)**
Majlis Agama Islam Selangor
- 12. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS





"MEMBERI MAKNA KEMERDEKAAN"

الْحَمْدُ لِلَّهِ الْقَائِلِ: وَلَقَدْ بَعَثْنَا فِي كُلِّ أُمَّةٍ رَسُولًا
أَنْ أَعْبُدُوا اللَّهَ وَاجْتَنِبُوا الطَّاغُوتَ فَمِنْهُمْ مَنْ
هَدَى اللَّهُ وَمِنْهُمْ مَنْ حَقَّتْ عَلَيْهِ الضَّلَالَةُ فَسِيرُوا فِي
الْأَرْضِ فَانظُرُوا كَيْفَ كَانَ عَاقِبَةُ الْمُكَذِّبِينَ ﴿٣٦﴾
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ
اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ
وَلَا تَمُوتُنَّ إِلَّا وَأَنْتُمْ مُسْلِمُونَ.

¹ Surah an-Nahl ; 36



Muslimin yang dirahmati Allah sekalian,

Marilah sama-sama kita meningkatkan ketakwaan kepada Allah SWT dengan melaksanakan segala suruhannya dan menjauhi segala perkara yang dilarangnya. Mudah-mudahan dengan itu kita semua akan menjadi manusia yang mulia disisi Allah SWT.

Mimbar pada hari ini mengajak kita sama-sama menghayati tajuk **"MEMBERI MAKNA KEMERDEKAAN"**.

Hadirin Jumaat sekalian,

Alhamdulillah syukur kepada Allah SWT kerana dengan izin dan limpah kurnia-Nya kita masih lagi dapat menikmati kehidupan yang aman sejahtera. Ini disebabkan negara kita telah bebas dari belenggu dan cengkaman penjajahan. Kita semua hendaklah bermuhasabah diri dengan menjadikan sambutan hari kemerdekaan negara setiap tahun sebagai titik tolak untuk menilai apa yang telah kita lakukan bagi mengisi dan memberi makna yang jelas kepada nikmat kemerdekaan. Apakah perancangan yang kita lakukan bagi memperkukuhkan pembinaan sebuah negara yang makmur dan mendapat keampunan dari Allah SWT telah terlaksana sepenuhnya. Pasti masih banyak peranan yang boleh kita sama-sama mainkan bagi terus membina negara yang cemerlang dan memberi makna jelas kepada kemerdekaan negara dan rakyat.

Ayat yang ke-37 dari surah an-Nahl yang menjadi ayat pembukaan khutbah hari ini menyatakan bahawa Allah SWT telah mengutuskan para rasul-Nya kepada setiap umat bermula dari Nabi Adam AS hingga kepada Rasul terakhir Muhammad SAW. Antara lain Rasul di utuskan bertujuan untuk membebaskan manusia dari menjadi hamba kepada sesama manusia



mahupun hamba kepada kongkongan nafsu yang mendorong kepada kemaksiatan. Oleh itu perancangan seharusnya dilakukan dengan baik untuk memberikan kemerdekaan kepada setiap jiwa insan agar dapat tunduk dan patuh kepada Nikmat kemerdekaan yang dikurniakan oleh Allah SWT dengan mengambil contoh dari perjuangan Rasulullah dan para sahabat-Nya.

Muslimin yang dimuliakan,

Merancang untuk mengisi kemerdekaan dengan menjadikan negara sebagai "baladun Taiyibatun Warabbun Ghafuur" bukannya suatu cerita yang hanya berada dalam khayalan atau suatu slogan untuk menjadi halwa telinga, bahkan ianya suatu realiti yang jelas dan mempunyai asas-asas yang kukuh bersumber dari kitab suci Al-quran. Ini seperti yang dijelaskan oleh Allah SWT dalam surah Saba' ayat 15;

لَقَدْ كَانَ لِسَبَإٍ فِي مَسْكِنِهِمْ آيَةٌ^ص جَنَّاتٍ عَن يَمِينٍ
وَشِمَالٍ^ص كُلُوا مِن رِّزْقِ رَبِّكُمْ وَأَشْكُرُوا لَهُمْ^ح بَلَدَةً طَيِّبَةً
وَرَبُّهُمُ غَفُورٌ^و

"Sesungguhnya adalah bagi penduduk negeri Saba', ada satu tanda (yang membuktikan kemurahan Allah) yang terdapat di tempat tinggal mereka, iaitu: dua buah kebun (yang luas lagi subur), yang terletak di sebelah kanan dan di sebelah kiri. (Lalu dikatakan kepada mereka), "Makanlah daripada rezeki pemberian Tuhan kamu dan bersyukurlah kepada-Nya. (Negeri kamu ini adalah) negeri yang baik (aman dan makmur), dan (Tuhan kamu adalah) Tuhan yang Maha Pengampun!.



Antara elemen penting untuk mencapai hasrat negara berkeadilan dan mendapat keampunan Allah SWT adalah melalui penjana ilmu fardu ain dan fardu kifayah. Ilmu fardu ain ialah yang bersangkutan keimanan kepada Allah dan beriman kepada alam akhirat yang menjadi asas kukuh untuk seseorang itu mengabdikan diri kepada Tuhan. Bagi ilmu fardu kifayah pula perlu adanya pembinaan rakyat yang berkemahiran dalam menguasai bidang-bidang pendidikan, sains dan teknologi, ekonomi, perindustrian, kemasyarakatan, keselamatan dan kesihatan.

Hadirin yang dirahmati Allah sekalian,

Negara merdeka yang berjaya pastinya mempunyai perancangan yang berkualiti dalam pendidikan bangsanya. Negara memerlukan tenaga kerja yang berkemahiran, berintegriti dan sanggup berjihad dalam memenuhi keperluan pembangunan sesebuah bangsa dan negara. Negara boleh jadi terjajah tanpa disedari jika rakyatnya tidak berupaya menjadi watak utama dalam apa-apa jua sektor pembangunan ekonomi dan terus bergantung kepada tenaga asing. Pemimpin dan rakyat dalam sebuah negara yang merdeka seharusnya berjiwa besar dan saling mempercayai dan yakin dengan keupayaan sendiri daripada menggunakan tenaga luar yang secara tidak langsung menyumbang kepada pelbagai masalah sosial dalam negara. Ini sudah pasti akan membebankan negara dari sudut perbelanjaan selain dari berlakunya penjajahan secara tidak langsung.

Negara yang merdeka juga dapat membuat perancangan pendidikan yang tersusun kemas. Pegangan akidah yang mantap, beramal dengan syariah Islamiah dan berakhlak mulia adalah asas kepada pembinaan ummah dan negara. Hanya dengan pegangan agama yang kukuh di samping memiliki kemahiran dalam pelbagai lapangan kehidupan akan menjamin



ummah terhindar dari belenggu kejahilan, tidak terperangkap dalam ajaran sesat, syirik kepada Allah SWT, tidak terjebak dalam aktiviti-aktiviti ekstrimis, dan mengelak perselisihan yang membawa kepada perpecahan sesama Islam. Kejahilan dalam agama juga menyebabkan seseorang itu boleh terperangkap dalam gejala keruntuhan moral yang dahsyat seperti perzinaan, sumbang mahram, pembunuhan, rasuah dan penyalahgunaan kuasa, ketagihan dadah, judi dan minum arak, terlibat dalam pesta hiburan yang melampau, dan gejala maksiat yang lain.

Allah SWT yang menganugerahkan keamanan dan kemerdekaan kepada kita menghendaki supaya kita mensyukuri nikmat kemerdekaan dengan tunduk dan patuh kepada perintahnya seperti yang telah dijelaskan melalui surah alHajj ayat 41;

الَّذِينَ إِنْ مَكَّنَّاهُمْ فِي الْأَرْضِ أَقَامُوا الصَّلَاةَ وَآتَوُا
الزَّكَاةَ وَأَمَرُوا بِالْمَعْرُوفِ وَنَهَوْا عَنِ الْمُنْكَرِ ^{قُلْ} وَلِلَّهِ
عَاقِبَةُ الْأُمُورِ ﴿٤١﴾

"Iaitu mereka (umat Islam) yang jika Kami berikan mereka kekuasaan memerintah di bumi nescaya mereka mendirikan solat serta memberi zakat, dan mereka menyuruh berbuat kebaikan serta melarang daripada melakukan kejahatan dan perkara yang mungkar. (Ingatlah) bagi Allah jualah kesudahan segala urusan".

Allah SWT menghendaki kita ummah yang dianugerahi dengan kemerdekaan supaya merebut peluang untuk beribadah kepadanya dengan



melakukan amal kebajikan dan menghindarkan perkara yang mengundang kemurkaannya.

Muslimin yang dirahmati sekalian,

Pejuang kemerdekaan tanah air terdahulu telah membina kesatuan yang kukuh bagi membebaskan negara. Mereka berjuang bersama walaupun dari kepelbagaian latar belakang keturunan, ilmu pengetahuan dan kemahiran. Mereka bersatu cintakan negara demi mencapai cita-cita untuk membebaskan tanah air dari cengkaman penjajah seperti kata-kata hukamak;

حُبُّ الْوَطَنِ مِنَ الْإِيمَانِ

"Cintakan Negara adalah sebahagian daripada iman".

Tidak dapat dinafikan asas kekuatan mereka adalah bersatu teguh bercerai roboh. Generasi masa kini perlu mengambil iktibar dari apa yang telah di lalui oleh mereka yang terdahulu khususnya dalam membina kesatuan untuk mempertahankan kemerdekaan. Generasi hari ini mesti mengisi ruang dan merebut peluang yang terbentang dalam negara yang tercinta dengan mengukuhkan ikatan silaturrahim bagi menjana perpaduan yang lebih kukuh. Hindarilah diri dari terikut-ikut dengan penyebaran berita yang berunsur fitnah, adu domba, dengki, khianat dan lain-lainnya yang akan mengundang kepada perpecahan dikalangan ummat. Perpecahan dan perkelahian sesama umat Islam khususnya adalah suatu yang mungkar dan mendapat kemurkaan Allah. Perkara ini jika tidak dihindari pastinya akan mengundang perpecahan dikalangan rakyat dan mustahil nikmat kemerdekaan itu dapat dikekalkan.



Firman Allah SWT dalam surah an Nahl ayat 112,

وَضَرَبَ اللَّهُ مَثَلًا قَرْيَةً كَانَتْ آمِنَةً مُّطْمَئِنَّةً يَأْتِيهَا
رِزْقُهَا رَغَدًا مِّنْ كُلِّ مَكَانٍ فَكَفَرَتْ بِأَنْعُمِ اللَّهِ فَأَذَاقَهَا
اللَّهُ لِبَاسَ الْجُوعِ وَالْخَوْفِ بِمَا كَانُوا يَصْنَعُونَ



"Allah memberikan satu perumpamaan: sebuah negeri yang aman damai dan tenteram, yang didatangi rezeki yang mewah dari serata pelosok, kemudian penduduknya kufur akan nikmat-nikmat Allah itu, maka Allah merasakannya kelaparan dan ketakutan (yang meliputi keseluruhannya) disebabkan apa yang mereka telah lakukan".

Muslimin yang dikasihi Allah sekalian,

Marilah kita semua bermuhasabah atas nikmat kemerdekaan yang Allah kurniakan kepada kita. Apakah kita telah menjadi sebahagian dari penyumbang kepada kemerdekaan negara dengan pengisian yang bermakna kepada kemerdekaan negara. Jangan kita tanya apa sumbangan negara untuk kita sebaliknya tanyalah diri apapula yang telah kita berikan untuk membina kemakmuran nergara tercinta. Rebutlah peluang dengan mengisi ruang kemerdekaan ini untuk bersaing secara sihat dan diredhai oleh Allah SWT. Hindarilah diri kita dari terjebak dalam perkara yang boleh meruntuhkan kedaulatan negara merdeka yang kita cintai.



Mengakhiri khutbah pada hari ini, marilah sama-sama kita mengambil pengajaran seperti berikut;

1. Umat Islam hendaklah menjadi ejen terbaik dalam mengisi ruang kemerdekaan dengan meningkatkan ilmu pengetahuan disetiap bidang.
2. Umat Islam hendaklah berusaha melakukan amal kebajikan dan hendaklah menjauhi segala bentuk kerja maksiat dan mungkar.
3. Umat Islam hendaklah menerima hakikat bahawa kelangsungan nikmat kemerdekaan yang dinikmati adalah dengan tunduk dan patuh kepada perintah Allah SWT.
4. Umat Islam hendaklah menghindarkan diri daripada terjebak dalam kancah perselisihan yang membawa kepada perpecahan sesama sendiri yang akhirnya akan mengundang kepada hancurnya nikmat kemerdekaan.

أَعُوذُ بِاللَّهِ مِنَ الشَّيْطَانِ الرَّجِيمِ
وَأَطِيعُوا اللَّهَ وَرَسُولَهُ وَلَا تَنَازَعُوا فَتَفْشَلُوا وَتَذْهَبَ
رِجَاكُمْ وَاصْبِرُوا إِنَّ اللَّهَ مَعَ الصَّابِرِينَ

"Dan taatlah kepada Allah dan Rasul-Nya serta janganlah kamu saling berbantah, lalu menyebabkan kamu menjadi lemah semangat dan hilang kekuatan, serta bersabarlah (menghadapi segala kesukaran dengan cekal hati). Sesungguhnya Allah berserta dengan orang-orang yang sabar".

(al-Anfal ; 46)



بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ ،
أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Pada masa yang sama kita juga disaran supaya menjauhi sebarang bentuk fahaman sesat dan perbuatan ekstrim yang kesannya akan menjejaskan keharmonian, perpaduan dan keselamatan ummah dan Negara.



إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا
الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ
صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ
وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.
اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى
أَنْ تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصَّمَدَانِيَّةِ، جَلَالَةَ مَلِكِنَا الْمُعَظَّمِ سُلْطَانَ
سَلَاطُونَ، سُلْطَانَ شَرَفِ الدِّينِ ادریس شاه



الحاج ابن المرحوم سلطان صلاح الدين عبد
العزیز شاه الحاج. اللَّهُمَّ أَدِمِ الْعُونَ وَالْهُدَايَةَ
وَالْتَوْفِيقَ، وَالصِّحَّةَ وَالسَّلَامَةَ مِنْكَ، لِيَوْلِيَّ عَهْدِ
سَلَاغُورَ، تَعَكُو أَمِيرَ شَاهِ ابْنِ السُّلْطَانِ شَرَفِ
الدِّينِ ادریس شاه الحاج فی أَمْنٍ وَصَلَاحٍ وَعَافِيَةٍ
بِمَنَّكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطِلْ
عُمُرَهُمَا مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ،
وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman kami, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau



redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadiranmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain serta mewakafkan dan menginfakkan harta khususnya untuk Perbadanan Wakaf Negeri Selangor (PWS) dan Tabung Amanah Pembangunan Islam Selangor (TAPIS). Dengan amalan ini ya Allah, berkatilah hidup dan luaskanlah rezeki kami dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادَ
اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يَعِظُكُمْ لَعَلَّكُمْ تَذَكَّرُونَ ﴿٩٠﴾



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.

**
JAIS/Nurul
17.08.2016